

**Dissertatio medica, inauguralis, de ictero ... / Eruditorum examini subjicit
Gulielmus Chambers Darling.**

Contributors

Darling, William Chambers, 1771-1832.
University of Edinburgh.

Publication/Creation

Edinburgi : Typis Gulielmi Creech, 1795.

Persistent URL

<https://wellcomecollection.org/works/krhbcbfp6>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA

INAUGURALIS,

DE

ICTERO.

DISSERTATIO MEDICA

IN AUCURALIS

ICTERUS

DISSERTATIO MEDICA
INAUGURALIS,
DE
ICTERO;
QUAM,
ANNUENTE SUMMO NUMINE,
Ex Auctoritate Reverendi admodum Viri
D. GEORGII BAIRD, S. S. T. P.
ACADEMIÆ EDINBURGENÆ Praefecti,
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto;
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
GULIELMUS CHAMBERS DARLING,
ANGLUS.

Ad diem 24 Junii, hora locoque solitis.

EDINBURGI:
CUM PRIVILEGIO.
TYPIS GULIELMI CREECH.
M DCC XCV.

350337

DISSERTATIO MEDICA

IN ADUROS

DE

ICTERO

DE

ANNUNTIUM SUMMO NUMERO

EX AUSTRIAE UNIVERSITATE MEDICA

D. GEORGI BARTOLI A. T. P.

ACADEMIAE MEDICINAE PRAGAE

PRAGAE

ACADEMIAE MEDICINAE PRAGAE

DE AUSTRIAE UNIVERSITATE MEDICA

PRO GRADU DOCTORIS

COMMISSIO DE MEDICINA PRAGAE

PRAGAE

PRAGAE

GUILLIELMUS CHAMBERS PRAGAE

PRAGAE

Ad hunc et hunc hunc hunc

PRAGAE

PRAGAE

PRAGAE

*QUAM varia quam multiplex sit Icteri idea,—et quod i-
dem nomine morbus, a diversissimis producaturs causis;
quarum tamen cognitio accurata tantam lucem affert cu-
rationi instituendae; uti et ad formandam prognosin cir-
ca facilem vel difficilem, possibilem vel impossibilem, Icteri
sanationem.*

VAN SWIETEN.

PATRI SUO

OPTIMO BENIGNISSIMOQUE,

RALPHO DARLING,

ARMIGERO,

HAS STUDIORUM SUORUM PRIMITIAS

OBEDIENTIÆ MONUMENTUM

AMORISQUE PIGNUS,

D. D. C.

GULIELMUS CHAMBERS DARLING.

PATRI SUO

OPTIMO ESSENCISQUE

RALPHO DARLING

AMICIS

HAS ETUDIORUM SUORUM PRIMITIAS

OBEDIENTIAE MONUMENTUM

AMORISQUE FIDELIA

W. D. C.

GUILLIAMS CHAMBERS DARLING

DISSERTATIO MEDICA

INAUGURALIS,

DE

INTER O.

AUCTORE G. C. DARLING.

DEFINITIO.

“ FLAVEDO cutis et oculorum; faeces al-
 “ bidae; urina obscurè rubra; immis-
 “ sa colore luteo tingens.”

HISTORIA MORBI.

ICTERUS omnem aetatem atque temperamen-
tum adurit. Invadit ut plurimum languore,
A lassitudine,

lassitudine, anorexia et nausea: Spiritus difficilior, et in regione epigastrica ponderis sensus, post pastum praecipue auctus, necnon tensio dolorifica quae plurimis in exemplis ad hypochondrium dextrum refertur, haec symptomata plerumque comitantur. Flatus, et in ventriculo acor, aegrum subinde molestiâ afficiunt. Nunc adstricta, nunc fusa est alvus; sed neque illa, neque hæc morbum perpetuo stipant; saepius autem constipatio adest. Horrores vehementes, per horam circiter perstantes, saepe saepiusque in die nonnunquam invadunt. Dolor, ut in hepatitide, summum humeri dextri plerumque corripit; et singultus, aliquando frequens, aegroto haud raro multum molestiae affert.

Cum per aliquot dies manserit morbus, oculorum tunica albuginea, cutis et ungues flavescunt. Tunc temporis, urina sedimentum crassum deponit, colorem obscurè rubrum assumit, et linteum immixtum croceo tingit. Stercori nec color naturalis manet, neque odor

dor foetidus. Cutis nunc praeter solitum fit arida; et pruritus valde molestus, nullâ autem eruptione factâ, aegrum magnopere infestat. Os amaritiae imbuatur, ita ut cibus omnis etiam insulsus, et potus quoque saporem amarum praebent. Praeter haec, quidam auctores, et illi haud parvi nominis, visionem flavam nonnunquam icteri symptoma esse, affirmant *.

Progrediente morbo, hypochondrii dolor et ventriculi multum torquet; pulsus crebrior validiorque evadit; alia quoque pyrexiae signa interdum succedunt; et violentissimè vomit singultitque aeger.

Color nimirum altior fit, altiusque per totum
corpus

* Quod ad hoc vero spectat, dubia quaedam moverit noster doctissimus GREGORY: in suis enim praelectionibus dicit, se multos vidisse qui de tali visus pravitate queraebantur, non autem ulli nisi mulieri uni eam contigisse censet; et illi parum fesus est.

corpus infidet: non modo partes externas, at cerebrum et medullam spinalem, atque ossa etiam ipsa flavedine tingit. Sanguis detractus, ferum luteum ostendit; et omnes secretiones, lacte tantum excepto, croceo tinctu afficiuntur.

Icterus rarissime cursum determinatum tenet, sed nunc longiore, nunc brevior, temporis spatium solvitur.

Cum autem inveterascit, symptomata graviora invadunt. Febris ardens etiam cum delirio; in capite dolor pungens atque acutus; maxima respirandi difficultas; diarrhoea putrida, sudorque olidus, subsequuntur. Nunc totum corpus in nigellum evadit; crura fiunt oedematosa; magis magisque maceratur aegrotus, et vires admodum labuntur: Natura tandem exhausta, et superveniente hydrope, apoplexiâ interdum, atque forsitan haemorrhagiâ, oneri gradatim succumbit.

DIAGNOSIS.

DIAGNOSIS.

Quum diagnosis methodum medendi ad dirigendum utilissima sit, summa itaque cura ad morbos accurate internoscendos semper adhiberi debet.

Icterus ab historia modo tradita, ab aliis fere morbis distingui potest: Quidem tamen ei similes quodammodo esse videntur; isti sunt, *Dyspepsia, Chlorosis, Serpentium Morsus, et Febris Occidentalis Flava.*

De his quoque, ordine pauca dicere in animo est.

Dyspepsia.—Symptomata jam recensita, icterum, ut nobis videtur, a Dyspepsia satis distinguunt: Quum autem indicia ista clario-
ra, haud tam planè sese ostendunt, difficile forsitan erit, nomen malo imponere. Attamen collatis utriusque historiis, symptomata plurima et huic et illi communia esse videmus;
ideoque

ideoque notis propriis eos discriminare necesse erit.

Superveniente ictero, aeger de somnolentia, pigritie, fitique urgente, ut plurimum quaeritur; ad epigastrium dolor acutissimus atque pungens est, in dextrum hypochondrium quodammodo tendit, ibique fere semper prorsus permanet.

Contra vero dyspepsiâ correpti, dolorem primò habent obtusiores, et distentionem vel ponderis sensum referentem, quae totam ventriculi regionem occupat.

Dolor etiam ad humeri dextri summum, qui ictericos aliquando, dyspepticos nunquam afficit, discrimen quodammodo facere potest.

Animus dyspepticorum timidus dejicitur, malumque semper metuit; et ventriculus plerumque debilitatur, quae symptomata rarissime in ictericis occurrunt.

Flavedo cutis, et faecium albedo, diagnofin optimam praebent: et hisce, modum vivendi, consuetudinem, multaque alia addere possumus,

quae

quae his morbis ab invicem secernendis maxime conferunt.

Chlorosis.—Ab hoc morbo, notis sequentibus discernitur icterus, nempe; colore cutis pallido, potius quam flavo; dolore minime Epigastricam regionem, sed dorsum praecipue corripiente: Appetitu semper voraci; atque postremo, chlorosi laborantium faeces et urina coloris naturalis semper sese ostendunt.

Serpentium morsus.—Partes vulneratas ab initio tantum afficit: atque color flavidus a vulneris margine incipiens, inde sensim ad reliquas corporis partes diffunditur: et quoniam caetera icteri indicia defunt, haud difficile erit inter flavedinem a morsu serpentium ortam et morbo arquato dignoscere.

Febris Indiae occidentalis flava.—Febrem Indiae occidentalis flavam inter et icterum dignoscere postremò pergimus.

In hoc morbo, pyrexia omnia alia symptomata praegreditur. In ictero autem, haec, nisi hepatitide (ut aliquando fieri dicitur) originem duxerit,

erit, per totum morbi decursum saepè abest, et rarissimè initio se ostendit.

Haec febris in regionibus calidis, perrarus vero frigidioribus, invalescit, et interdum epidemicè grassatur; plerumque diarrhoea et sudor olidus comitantur, dum oculi vultusque nimirum rubescunt. Icterus autem contra, nunquam in populum tendit; et eo correptis, oculorum adnata mirifice flavescent, dum cutis arida, alvusque constipata fit.

CAUSAE REMOTAE.

INTER has plures atque variae enumerantur res; quo igitur certior fiat earum operum notio, satius esse duxi, eas in duplicem ordinem dividere, nempe omnia, imo, Quae secretionem bilis adauctam inducunt: et, 2do, Quaecunque cursum ejus versus duodenum impediunt.

In classi prima comprehenduntur, *Emetica violentiora*, vel *Cathartica drastica*, saepius repetita.

repetita, atque, secundum nonnullos, *animi affectus vehementiores.*

Hisce igitur attentionem adhibebimus, et de singulis in ordine tractabimus.

Emetica violentiora. Tam mirus est consensus inter hepar et ventriculum, ut vomitu violentissime excitato, et bilis secretio praeter naturam augefcitur, et ductus biliferi emulguntur. Quomodo haec fiunt neminem latet. Inter vomendum enim valde afficitur jecur, tum ob propinquitatem ad ventriculum, tum propter diaphragmatis et musculorum abdominis contractiones violentes, quibus viscera omnia abdominalia quam maximè concutiuntur: Hisce motibus et ductus biliferi, et vesica etiam fellea deplentur. Bilis sic quantitate nimium auctus, per duodenum ad intestina descendit, ubi faecibus alvinis commiscetur et vasis lymphaticis absorbetur; quo fit, ut cum sanguine per totum transeuns, superficiem colore luteo facile tingat.

Cathartica draſtica.—Haec fine dubio icteri cauſam ſeſe aliquando praeſbuerunt: et modo haud emeticis diſſimilè agunt.

Animi affectus vehementiores.—Ob conſenſum inter hepar obtinentem et totum genus nervoſum, (et praecipuè cerebrum,) iſtae affectiones bilis ſecretionem quam maximè gignere exiſtimatae fuerunt.

Hanc ſententiam quodammodo confirmant illa phenomena, quae poſt cerebri concuſſiones et cranii fracturas haud raro obſervantur. “ Si cerebrum (dicit clar. Celfus) membranave ejus vulnus accepit, ſanguis per nares, quibusdam etiam per aures exit; fereque vomitus exſequitur.”

Nonnulli attamen opinati ſunt affectiones violentiores, et praefertim iram, hunc morbum producere, aut totum corpus valde concutiendo, aut ſpasmus ductus communis inferendo.

Claffis ſecunda omnia complectitur quaecunque curſum bilis verſus duodenum impediunt. Hujusmodi genus ſunt ductuum ſpafmi illorum

ostia circumgentes ; tunicarum ductuum prope duodenum crassities ; hydatides ; concretiones biliariae ; meconium ; bilis nimis spissa ; graviditas ; Tophi, vel alia corpora extranea duodenum oppilantes ; hepar, vel pancreas, vel alia viscera adjacentia, schirro correpta, quo ductus comprimuntur, et bilis omnino fere cursus tardatur.

Ad has causas, igitur, paulisper attendamus, et quam brevissime earum naturam explicare conemur.

Ductuum Spasmi. Num constriction ductuum spastica unquam obtinet necne, diu acriterque inter medicos disputandum fuit. Nostreis autem diebus minime ni fallor negandum erit, spasmum pro causa vera nonnunquam habendum esse. Interea, parum erit dubitandum, talem duodeni constrictionem juxta ductus communis orificium bilem descendantem impedituram esse. Ductu hac igitur occluso, neminem latet icterum malum enasci posse.

Ductuum Tunicarum Crassities. Hocce vitium rarissime

rarissime si unquam occurrit. Quandocunque autem accidit, ab inflammatione antegressa exoritur, et effectus ejus edit, ductus aut nimium comprimendo, aut delendo: quo pacto fit, ut bilis in canalem alimentarium descendere nequeat *.

Hydatides.—Hae inter causas icteri nonnunquam recensentur: et hanc causam saepissimè adesse, multi medici praeclari docent; quamvis in morbi initio haud satis manifeste hydatides se ostendunt. Agunt sine dubio, vel biliferos ductus implendo; vel in medio hepate cavum faciendo, in quem bilis secreta effunditur et vasis lymphaticis absorbetur.

Concretiones biliariae.—Causa morbi hujus longe est frequentissima calculi biliarii. In ductibus, saepissimè autem in vesica fellea inveniuntur. Varietates plurimas habent. Quod ad colorem

* MORGAGNI affirmat ductum communem ad capillarem angustiam redactum, vel chordae instar solidae arctatum, icteri interdum esse causam.

lorem pertinet, nonnulli flavi, virides alii, albescentes et nigri. Tum colore tum etiam variantur figurâ ; alii globosi, alii oblongi, aliique angulares sunt. Gustui sunt amari, atque divisi, corticem, etiamque lamellas circa nucleum circumjectas plerumque ostendunt : atque hae lamellae ex cyrtallis minutis a centro ad superficiem vergentibus constant. De eorum autem ortu, nihil pro certo tradere possumus. Nonnunquam multi, atque parvi reperiuntur, saepius vero unus totam vesicam felleam implens *. Apparet igitur complures concretiones morbo de quo agitur nonnunquam esse causam, nonnunquam etiam unicam tantum.

Quando hae concretiones vel in vesica fellea, vel ductibus sitae sint, satis novimus, bilis cursui impedire, et morbum arquatum deinceps inducere posse.

Meconium.

* Calculi bilarii, secundum nos. PROF. MONRO, saepè in vesica fellea ex cadaverum incisionibus inveniuntur, nullo homini viventi incommodo inde oriente.

Meconium. Notum est, brevi spatio, plerumque paucis tantum diebus, post partum, infantes nonnunquam ictero corripì: qui tamen adeo saepissime levis est, ut vix unquam colore luteo tingat. Oritur, ut videtur, ex meconio copiosiore in duodeno retento, bilis descensum impediens: et experientia docet, ut meconio purgato, omnia mala exinde provenientia omnino sanantur.

Bilis nimis spissa. Bilis aliquando diu in vesica fellea manens, adeo fit viscida, ut pene ductuum oscula obturat. Hujusmodi exempla in commentariis suis citavit clarissimus Van Swieten. “ Quandoque (dicit) vidi bilem instar glutinis
“ cohaerentem, vomitu redditam fuisse, nun-
“ quam postea redeunte ictero.”

Icterus ab hoc bilis vitio proficiscens, illos vitam otiosam agentes, studiosos, atque incarcerationes plerumque afficit: quomodo hi morbo procliviores essent, omnibus facillè apparet.

Graviditas. Quibusdam faeminis uterum gerentibus, icterus haud raro contingit; etiam si

nec ante graviditatem, nec post puerperium hoc morbo afficerentur.

Hujus phenomeni hanc rationem reddamus. Uterus jam gravidus, omnia viscera abdominalia non modo comprimat, sed etiam miro modo a situ detrudit: ea compressa atque detrusa ductus biliferos occludunt; alvo praeterea confictâ, colon intestinum faecibus durioribus fit distentum, ita ut bilis quo debet, profluere nequeat. Ratio igitur patet, cur icterus illis uterum gerentibus interdum superveniat, et quamvis nulla remedia sint exhibita, foetu ejecto, sponte evanescat morbus.

Tophi, vel alia corpora extranea, duodenum oppilantes.

Hujusmodi exempla tum in hominum tum quadrupedum intestinis interdum inveniuntur; et planè manifestat, quando aegagropilae vel calculi, vel alia corpora extranea duodenum infarciunt, ductus biliferos comprimendo, fellis fluxui libero penè vel penitus obstant.

Viscus Schirro correptum.—Hic morbus haud

raro a tumoribus certis oritur, quae a cadaverum sectionibus in hepate ceterisque visceribus observantur.

Facillime erit intellectu, quomodo schirrus aut jecoris ipsius, aut pancreatis *, aliorumque viscerum adjacentium, hunc morbum producat.— Nam si hujusmodi tumores ita siti sint, ut vel ductum communem vel hepaticum comprimant, tunc bilis colari non potest, et icterus e necessario oritur.

Cuivis obstaculo igitur bilem in intestina descendentem impediendi maximâ ex parte tribuendus est icterus.

CAUSA PROXIMA.

OMNES ni fallor medici conveniunt icterum pro causa proxima habere, bilem per totum corpus cum

* MONRO illust. pancreas servatum tumefactum, auditoribus suis quotannis ostendit, quod hujus vitii in causa biennium erat.

cum sanguine diffusam, omnia hujus morbi indicia praebentem.

Inter doctos autem magna quondam existit controversia, quomodo tantum bilis cum sanguine misceatur? Nostris autem temporibus de hac re, unica solummodo opinio extat*.

PROGNOSIS,

TAMETSI hic morbus nequaquam valde lethalis consentiatur, prognosis attamen semper est incerta.

Ad verum eventus icteri praesagium formandum causas remotas perpendere necessarium erit.

Si pro causa habeatur laesio organica, morbi solutionem faustam vix expectare possumus. Sed plerisque exemplis, ubi spasmo, vel gravidita-

C

te,

* Hoc manifeste patet ab experimentis clari MONRO institutis.

tē, vel aliis certis causis jam memoratis exoritur, feliciorē sperare exitum licebit. Nihilominus, secundum aetatem aegroti viresque, et morbos varios concomitantes, et praecipue violentiam atque durationem causarum, periculum nonnunquam erit existimandum.

Ad ultimam, nequaquam vero parvulam hujus dissertationis partem, nunc animum advertamus: si enim ratio medendi non apte constituta sit, omnia quae supra diximus prorsus ut inutilia atque inania erunt.

METHODUS MEDENDI.

INDICATIONES quae ad morbum removendum maxime accomodantur, sunt,

1^{mo}, Causas remotas quam primum amovere:
et,

2^{do}, Symptomata molestissima levare.

Ad primam igitur indicationem perficiendum conemur.

Si morbus, ut antea diximus, causam suam agnoscit

agnoscit schirrum vel hepatis ipsius, vel pancreatis, aliorumve viscerum adjacentium, est cur metuamus, omnes conatus medicos, quamvis aptissimos, nil valere.

Auxilia tamen sunt varia, quae hisce affectionibus accomodata esse censentur: hujusmodi princeps est hydrargyrum, quod medici, remedium efficacissimum adversus schirrum, sive hepar, sive aliam quamcunque partem, obtinentem, testantur.

Multas laudes tartari crySTALLIS cumulavit noster doctissimus HOME, quae ad schirros solvendo plurimum possunt.

Cicuta quidem diu laudibus elatum fuit maximis; hodiernis autem temporibus medici tantas huic remedio laudes neutiquam tribuerunt.

Jamjam memoravimus, Causam icteri frequentissimam esse calculos. Ad horum solutionem efficiendam, diu atque frustra laboraverunt medici; quare res votis haud responderunt, nequaquam latebit, si modo reputemus, quod, antequam ea remedia solventia dicta ad calculos ipsos

fos devenerint, per totum sanguinis circuitum transire necessarium, ideoque multis mutationibus obnoxia esse; et hoc modo effectus eorum valde dubios reddi: Nam difficile est intellectu, quomodo medicamenta post totum corpus transissent, ita in calculos agere possunt, ut eos dissolvere valeant, eodem quo extra corpus rata fuerunt modo.

Si unquam haec remedia aliquod boni afferunt, quâ cathartica ut nobis videtur, agunt.

Attamen BEDDOES medicus expertus, nuper de vi solventi sodae in opusculo, jamjam a se edito, mentionem fecit. " I can adduce some proofs
" of the utility of soda pills in relieving biliary
" concretions, in two cases; in both of which,
" the patients were far advanced in years. In
" the first instance, the disease had existed upwards of fifteen years, and returned pretty regularly, at intervals of six or eight weeks, and
" sometimes oftener; the paroxysms occurred
" with violent pain, which usually lasted many
" hours; the skin became deeply tinged with
" yellow,

“ yellow, and after a day or two, a slight diar-
 “ rhœa seemed to relieve her. With some dif-
 “ ficulty I persuaded her to try the remedy;
 “ which was made into pills, with soap, and a few
 “ drops of oleum nucis moschatae were added.
 “ Upwards of three years have now elapsed since
 “ she had any return of the symptoms.

“ The other lady had suffered extremely from
 “ successive similar attacks, and was relieved a-
 “ bout eighteen months ago by the same reme-
 “ dy, but is under the necessity of a regular per-
 “ severance in the use of it *.”

Inter remedia quae vi calculos eliminandi
 praedita sunt †, emetica atque purgantia aptis-
 sima videntur. Supra diximus haec medica-
 menta suos effectus, ductus emulgendero biliferos,
 edere.

Fotus

* Vide Observations on the Nature and Cure of Calcu-
 lus, auctore T. BEDDOES, pag. 35.

“ † I have more reason to be satisfied of the effect of vo-
 “ mits in dislodging these calculi than any other, or indeed of
 “ all other medicines.” Vide Treatise on Biliary Concretions,
 auctore DR COX, ch. 2. pag. 253.

Fotus quoque, et quodcunque ad partes laxandas valent, eundum effectum edere possunt.

Spasmus se causam ictero haud raro praebet; et quando adest, antispasmodica et internè et externè adhiberi debent.

Inter medicamenta antispasmodica dicta, interne, opium praecipue, et clysmata emollientia profunt; atque externe, fotus hypochondrii dextri, balneum calidum et epispastica in auxilium vocanda sunt.

Faeces fortasse in intestinis induratae interdum ductus arctando, bilem stagnare faciunt. Quum hac a causa provenit icterus, eodemque tempore bilis omnino in intestinis deficit, cathartica draastica feliciter praescribenda sunt.

In ictero vel gravidarum, vel infantium, sola prodest patientia, et nihil, nisi promoveatur motus intestinorum peristalticus, necessarium videtur.

Quando morbus arquatus a causis oritur quibuslibet, quae bilis secretionem, et fluxum in intestina praeter naturam augent, causa per se
plerumque

plerumque recedente, gradatim ipse quoque recedet.

Quum autem res aliter se habent, fellis fluxum quam maxime compescere nitendum est.

Hoc, ad alias partes derivando, (nempe ad superficiem vel renes,) effici potest.

Emetica, draastica, et omnia quaecunque sanguinis circuitum solito majore excitant, sunt fugienda, et laxantia lenissima cautè exhibeantur.

Jam restat, ut indicationem secundam, viz. symptomata molestissima levare, ad consequendum conemur.

Si dolor hypochondrii dextri valde torqueat, et si eodem tempore pyrexiae signa nonnulla adsint, sanguinem detrahare, et aegrum regimini antiphlogistico subicere necesse erit. Sin autem haec remedia levamen haud afferunt, praecipue juvabunt opii doses ampli, balneum tepidum, enemata emollientia, hypochondrii fots, atque forsitan huic regioni epispastica applicata.

Cutis pruritui, symptomati nonnunquam molesto, aptissime quoque prodest opium, praesertim

tim vero si huic adjungantur, fomentationes, et medicamenta diaphoretica dicta.

Eidem plerumque remedio cedit vomitus: hoc autem incommodo adhuc saeviente, haustus salini, inter effervesendum administrati, multum levaminis afferunt.

Cum singultus adest, atque aegroto multum molestiae affert, opium cum fructu exhiberi potest.

Alvum constipatam facilè solvent cathartica mitia: quum vero haec ob caeteris indiciis minus sunt idonea, clysmata emollientia perutilia sunt.

Si omnia haec remedia parum profuerent, ad equitationem aut ullum aliud exercitationis genus confugiendum est. Haec enim cautione minore admittenda, atque non minore beneficio; sin autem sanguinis cursum nimis acceleret, vel symptomata graviora reddat, aeger ab ea prorsus abstineat, et alias auxilium petat, oportet.

F I N I S.